



МЕСЯЦА ОКТЯБРЯ В 24-Й ДЕНЬ

Празднование Пресвятѣй Богородице святыя ради иконы Ея, именуемая «Всех скорбящих Радости»

НА МАЛОЙ ВЕЧЕРНИ

На Господи, воззвах: стихиры, глас 4:

Необоримую стѣну стязавше, вернии, Богородицу Марию, / приидите, поклонимся и припадем к Ней: / дерзновение бо имать к Рѣждшемуся из Нея / и мо́лится, и спасает от гнева и смерти души наша.

Вѣлія сила чудес Твоих, Чистая: / избавляеши бо от бед, и спасаеши от смерти, / и восхищаеши от напастей нечѣаемых, и скорби разрешаеши, / и согрешения чело­веков отъѣмлеши.

Тебе верным покров показа Иже всяческих Бог, / воплощся от кровей Твоих, Пречистая, / и Предстательницу и Побѣрницу сущим в нѣждах и обстояниих, / и в бури пристанище благоутѣшное. / Ты убо спаси от всякия скорби и туги / вся притекающія к Божественному покрову Твоему.

Избави нас от нужд наших, / Мати Христа Бога, рождающая всех Творца, / да вси вопием Ти: / радуйся, еди́но предстательство душ наших.

Слава, и ныне, глас 5:

Святейшую Херувим и вышшую Серафим, Пречистая, / Богородицу Тя исповѣдающе, / имамы, грешнии, Заступницу / и обретаем во время

напастей спасение./ Темже не престай о нас молящи,/ державо и прибежище душам нашим.

Свете Тихий:

Прокимен дне. Сподоби, Господи:

На стиховне стихиры, глас 5:

Теплая Предстательнице и непобедимая,/ упование известное и непостыдное,/ стено и покрове,/ и пристанище прибегающим к Тебе, Приснодево Чистая,/ Сына Твоего и Бога моли/ умирение дати миру,/ и спасение, и велию милость.

Стих: Помяну имя Твое/ во всяком роде и роде.

Скорый Твой покров, и помощь,/ и милость покажи на рабы Твоя,/ и волны, Чистая, укроти суетных помыслов,/ и падшую мою душу возстави, Богородице:/ вем бо, вем, Дево, яко можеш, елика хощеши.

Стих: Слыши, Дщи, и виждь,/ и приклони ухо Твое.

Тебе, Чистую Деву Нескверную,/ едину имам стену непреобориму,/ прибежище и покров крепкий, и оружие спасения:/ да мя не презриши отчаяннаго,/ надеждо ненадежным, скорбящим Радосте и заступление.

Слава, и ныне, глас тойже:

Блажим Тя, Богородице Дево,/ и славим Тя, вернии, по долгу,/ град непоколебимый, стену необоримую,/ твердую Предстательницу и прибежище душ наших.

Тропарь, глас 4:

К Богородице прилэжно ныне притецём,/ грешнии и смиреннии, и припадём,/ в покаянии зовуще из глубины душ:/ Владычице, помози, на ны милосердовавши,/ потщися, погибаем от множества прегрешений,/ не отврати Твоя рабы тщи,/ Тя бо и едину надежду имамы.

Слава, и ныне: ин тропарь, глас 4:

Не умолчим никогда, Богородице,/ силы Твоея глаголати недостойнии:/ аще бо Ты не бы предстояла молящи,/ кто бы нас избавил от толиких бед;/ кто же бы сохранил донныне свободны;/ не отступим, Владычице, от Тебе:/ Твоя бо рабы спасаеши присно от всяких лютых.

НА ВЕЛИЦЕЙ ВЕЧЕРНИ

Блажен муж: на Господи, воззвах: стихиры на 8, глас 2:

Всем предстательствуеши, Благая, / прибегающим с верою в державный Твой покров: / иного бо не имаы грешнии к Богу в бедах и скорбех присно избавления, / обременени грехи многими, / Мати Бога Вышняго. / Темже Ти припадаем: / избави от всякаго обстояния рабы Твоя.

Всех скорбящих Радосте, / и обидимых Заступнице, / и алчущих Питательнице, / странных утешение, / обуреваемых пристанище, / больных посещение, / немощных покрове и Заступнице, / жезле старости, / Мати Бога Вышняго Ты еси, Пречистая: / потщися, молимся, спастися рабом Твоим.

Глас 4:

Радуйся, Богомати Пречистая; / радуйся, верным надеждо; / радуйся, миру очищение; / радуйся, избавляющая от всяких скорбей рабы Твоя; / радуйся, пристанище обуреваемым; / радуйся, всемирный свете; / радуйся, Утешительнице и Заступнице христиан; / радуйся, прибежище и спасение всех блажащих Тя, Богоневесто.

Радуйся, доброто Иаковля, / Юже избра Бог, Юже возлюби, / дверь спасаемых, клятвы разрешение, Всеблагословенная, / чрево Боговместимое, падших возведение, / святейшая Херувим и тварей преимущая, / огнезрачный Престоле Владычней, / всемирная радосте и славо, / колеснице Слова, облаче, из негоже возсия Солнце, / сущим во тьме подаая велию милость.

Глас 8:

Радуйся, Ангелов радосте; / радуйся, человек славо; / радуйся, верных надеждо и предстательство, / стено и заступление, Владычице Богомати Пречистая, / Яже Бога плотию неискусомужно рождающая, Избавителя миру; / не презри рабы Твоя, / но мольбами Твоими от одержавших нас избави искушений, и бед, и обстояний, / всех скорбящих Радосте, / едина христиан прибежище.

Радуйся, Богородице Всепетая; / радуйся, источнице, живот верным источая; / радуйся, всех

Владычице и Госпоже твари, Благословенная;/ радуйся, Всенепорочная, Препрославленная;/ радуйся, Всепречистая;/ радуйся, купино неопалимая;/ радуйся, горо святая;/ радуйся, саде живоносный,/ радуйся, раю одушевленный;/ радуйся, Мати Дево;/ радуйся, Богоневесто.

Радуйся, Богородице, Мати Христова;/ радуйся, едина надеждо, человекоев Заступление;/ радуйся, свѣщнице Света пресветлый;/ радуйся, свеще освященная;/ радуйся, огнезрачный чертоже Слова;/ радуйся, Божественное селение;/ радуйся, радости источнице,/ источаяй воды благодати притекающим к Тебе.

Радуйся, вселенная похвало;/ радуйся, храм Господень,/ радуйся, горю приосененная;/ радуйся, всех прибежище,/ радуйся, свѣщнице златый;/ радуйся, славо православных честная;/ радуйся, Марие, Мати Христа Бога;/ радуйся, раю; радуйся, Божественная трапѣзо;/ радуйся, сѣне; радуйся, стамно всезлатая;/ радуйся, всех упование.

Слава, и ныне, глас 6:

Приидите, празднлюбных собори,/ святую Деву Богоотроковицу ублажим:/ радости бо и спасения Ходатаица бысть мiрови,/ яко рождающая Христа Бога./ Сию бо Отец Пребезначальный,/ от всех родов едину избранную, Дщерь Себе именована;/ Сын Собезначальный и Соприсносущный в Матерь избра;/ Дух же Святыи яко Пречистую Невесту Себе Боголепно сочетана./ Сию яко Богоизбранную и Благословенную в женах/ Вышняя силы немолчными песньми величают,/ Гавриила имуща Чиноначальника:/ Благодатная, радуйся, с Тобою Господь./ Сию патриарси, пророцы и вси святии/ со пророком Давидом радостными гласы венчают:/ предста Царица одесную Тебе, Владыко,/ рясны златыми одеяна/ и преукрашена Божественными благолепотами./ Сию, яко державную Заступницу рода нашего,/ и мы, недостойнии, воспоем, глаголюще:/ радуйся, Церкви чудное украшение/ и всему миру предивный покрове;/ радуйся, похвало и радости всех

земнородных;/ радуйся, Божественное утешение
всех скорбящих и обидимых;/ радуйся, Обрадо-
ванная, с Тобою Господь,/ подай мірови Тобою
велию милость.

На литии стихиры, глас 8:

Предстательнице верных, Богородительнице,/ скорбящих Радосте и плачущих великое утешение,/ моли Сына Твоего, Христа Бога нашего,/ со Ангелы, и Апостолы, и всеми святыми/ избавити нас в час испытания лютаго осуждения,/ да Тобою спасение уллучивше,/ во веки славим Тя, Препоблагословенную.

Верую притекаю к покрову Твоему, Богородительнице Пречистая:/ от напастей, и бед, и страстей томлѣния,/ и бесовскаго озлобления спаси мя,/ яко милости имущи пучину и спасения явльшися Ходатаица,/ Владычице, Яже Бога рождши Милостиваго,/ единаго Всещедрого и Многоблагоутробнаго.

Красную Тя, Всечистая,/ едину от века обрѣт доброту Иаковлю Препобезначальное Слово/ и, вселився в Тя благоутробия ради,/ обнови человеческое естество:/ Егоже моли непрестанно/ от всяких бед и скорбей избавитися нам,/ Тя радость и спасение мира почитающим.

Небесную дверь и кивот,/ всесвятую гору, светозарный облак воспойм,/ Небесную лествицу, словесный рай,/ Евино избавление, вселенная вся великое сокровище,/ яко спасение в Ней соделася мірови/ и оставление древних согрешений./ Сего ради вопием Ей:/ моли Сына Твоего и Бога прегрешений оставление даровати/ благочестно поклоняющимся Тебе/ и с веселием торжествующим Твой всечестный праздник,/ славо и радости наша, Богомати Благословенная.

Слава, и ныне, глас 5:

Вострубим трубою песней:/ преклонши бо Ся свыше, Всецарица Мати Дева/ благословеньми увенчаваѣт воспевающия Ю./ Православные да стекутся/ и Царице да восплещут в песнях, Царя рождшей,/ смертью одержимыя первее разрешити человеколюбно благоволившаго./ Пастырие и

учителие, Добраго Пастыря Пречистую Матерь, сошедшеся, восхвалим, / небес пространнейшую, одушевленный Господень Кивот, / огнезрачный Владычень престол, манноприемную златую стамну, / заключенную Слова дверь, всех христиан прибежище. / И вси людие, песньми благоголивыми похваляюще Ю, сице рцем: / Мати Слова Божия, / сподоби смиренныя ны Небеснаго Царствия, / ничтоже бо невозможно ходатайству Твоему.

На стиховне стихиры, глас 2:

Яко всех вѣшщу сущую Небесных и земных, / Херувим славнейшую и всея твари честнейшую, / Тебе, Заступницу и покров державен, христианскому роду Христос дарова / покрывати и спасти люди согрешшия, к Тебе прибегающия; / тем же прибежище всем Тебе воспеваем, Владычице, / и честный и благознаменитый Твой праздник, / обрадованная радости всех, празднуем светло, / Христа моляще даровати нам Тобою велию милость.

Глас 5:

Стих: Слыши, Дщи, и виждь, / и приклони ухо Твое.

Воспоим, людие, / светло Давидскую песнь Отроковице Богоневесте, / Матери всех Царя Христа: / предста Царица одесную Тебе, Владыко, / рясны златыми одеяна / и преукрашена Божественными лепотами. / Сию бо, избранную в женах, паче всего мира удобрив, / благоизволи родитися из Нея великия ради милости, / и Сию Помощницу людем Своим дарова / строити и покрывати от всех бед рабы Своя, / едину Благословенную.

Глас 7:

Стих: Лицу Твоему помóлятся / богатии людстии.

Гора еси велика и преславна, паче горы Синайския, Богородице: / таѣ бо, не терпящи снития Славы Божия во образех и сенех, огнем возгарашеся, / и громи, и молния тамо быша. / Ты же во чреве Твоем Божие Слово, / весь Божественный Огнь сущее, / неопально носила еси, /

манием Носящаго вся./ Темже не престай, Владычице, рабы Твоя присно милостию посещати:/ прияла бо еси от Сына Твоего и Бога дар/ стробити и покрывати христоименитое стадо Твое.

Слава, и ныне, глас 4:

Призри на моления Твоих раб, Всенепорочная,/ утоляючи лютая на ны востания,/ всякия скорби нас изменяючи:/ Тя бо едину, твердое и известное утверждение, имамы/ и Твое предстательство стяжэхом,/ да не постыдимся, Владычице, Тя призывающими./ Потщися на умоление Тебе верно вопиющих:/ радуйся, Владычице, всех помощи, радости и покрове, и спасение душ наших.

Тропарь, глас 8:

Ко источнику приснотекущему милосердия,/ Пречистой Деве Богородице,/ притецем, людие вси, священницы же и иноцы,/ мужие, и жены, и чада, здравии и болящие,/ в покаянии вопиюще и умильно глаголюще:/ Владычице, помози грешным рабом Твоим,/ яви яко Благая славу Твою,/ присно потщися умилосердиться на ны,/ испросити очищение душ и телес наших/ от Источника жизни нашея, Бога,/ Егоже родила еси, едина Благословенная.

Ин тропарь, глас 4:

Днесь пресветло красуется славнейший град Москва,/ имея чудотворную икону Владычицы нашея Богородицы:/ та бо, верным являючи чудеса,/ низпосылает дары целебныя./ Сего ради и мы с верою припадающе молимся,/ и на Той пречистый образ взирающе,/ яко истинную Самую зрим Владычицу нашу Приснодеву Богородицу,/ и умильно глаголем:/ воззри, Мати Божия, оком милости,/ простри к нам руце Твои пречистыя,/ якоже на иконе Твоей сие зрится,/ и подаждь всем скорбящим радость,/ больным от всех недугов исцеление и от бед избавление,/ яко Ты еси скорая Предстательница о душах наших.

Стихира, певаемая вместо тропаря, глас 2:

Всех скорбящих Радосте,/ и обидимых

Заступнице, / и алчущих Питательнице, / странных утешение, / обуреваемых пристанище, / больных посещение, / немощных покрове и Заступнице, / жёзде старости, / Мати Бога Вышняго Ты еси, Пречистая: / потщися, молимся, спастися рабом Твоим.

НА УТРЕНИ

По 1-м стихословии седален, глас 5:

Утоли́ болезни многовоздыхающия души моя, / утолившая всяку слезу от лица земли: / Ты бо человек болезни отгоняеши / и грешных скорби разрешаеши, / Тебе бо вси стяжанием надежду и утверждение, / Пресвятая Мати Дево.

Слава, и ныне, тойже.

По 2-м стихословии седален, глас 6:

Упование мира, Благая Богородице Дево, / Твое и единое страшное предстательство просим: / умилосердися на люди беспомощныя / и моли Милостиваго Бога / избавитися душам нашим от всякаго прещения, едина Благословенная.

Слава, и ныне, тойже.

На полиелеи величание:

Достойно есть величати Тя, / Богородице, / честнейшую Херувим / и славнейшую / без сравнения Серафим.

По полиелеи седален, глас 6:

Преложение скорбящих, / пременение болящих еси, Богородице Всепетая: / спаси град Твой и люди, / боримых умирение, обуреваемых тишино, / едина Предстательнице верных.

Слава, и ныне, тойже.

Таже, степенна, 1-й антифон 4-го гласа. Прокимен, глас 4: Помяну имя Твое во всяком роде и роде. Стих: Слыши, Дщи, и виждь, / и приклони ухо Твое. Всякое дыхание: Евангелие от Луки, зачало 4: Псалом 50-й; Слава: Молитвами Богородицы: И ныне: тойже. Помилуй мя, Боже:

Стихира, глас 6:

Архангельски воспоим, вернии, / Небесный чертог и дверь запечатану воистину: / радуйся, Еяже ради отрастé нам Спас всех Христос, Жизнодавец и Бог: / низложи, Владычице, мучи-

тели, враги наша, / рукою Твоею, Пречистая, упование христиан.

Канона два. Первый канон, глас 4.

Песнь 1

Ирмос: Отвѣрзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуясь, Тоя чудеса.

Кую Ти достойную песнь принесет наше неможение, / точию обрадовательную, ейже нас Гавриил тайно научил есть: / радуйся, Богородице Дево, Мати Невестная.

Радуйся, благодати источнице; радуйся, лестнице и дверь Небесная; / радуйся, свѣщнице, и стáнно золотая, и горб несекóмая, Яже Жизнодавца Христа мирови рождшая.

Всея моей жизни Предстательнице, от бед многих избави мя, / да благодарственный глас воспеваю Ти, Богоневесто Пречистая, / и будущия мя исхити муки.

Яже всем удобь послушная в скорби / и в печали помогающая, Богородице Благая, / благодать подаждь пети Тя дерзающим, Владычице, скорбящих Радосте.

Многобогáтную благодать стяжáвши, Владычице, / дерзновенною Твоею молитвою преславно изми мя от напастей, / убогаго раба Твоего, скорбящих Радосте.

Яже едина в напастех и скорбех защищающая, / под кров Твой, Пречистая, прибегающих тепле, / прими яко Преблагая, яже от сердца моления.

Ин канон, глас 8.

Ирмос: Поим Господеви, / проведшему люди Своя сквозе Черное море, / яко един славно прославися.

Моря житейскаго волнами потопляем и напастями лютыми одержим, / ко пристанищу устремихся невлáемому, покрову Твоему: / темже мя избави, Богородице, от лютых.

Положи Тя пристанище сущим в бедах, Чистая, Бог, Иже от Тебе благоволивый восприяти плоть. / Темже Ти, припадающе, взываем: / даруй помощь Твою рабом Твоим.

Едина Благословенная и Богорадованная, / Яже Радость человеком рождши неизреченную, /

печали отими души моя, молюся, и возвесели сердце мое.

Избави мя, Пречистая, бесовския прелести, / озлобления же, и вреда, и искушения, / да верую Тя славлю, сущую по Бозе Заступницу и покров мой.

Яже ненадеющихся надежда, падших исправление, / печальных утешение, Свет Божественный рождшая, / душу мою, сущую во тьме, просвети.

Яко Гавриил Деве, приидите, вернии, и мы вопиём благоговейно: / воистинну украшена еси, Чистая, рождшая Радость; радуйся, Благословенная.

Катавасия: Отвёрзу уста моя:

Песнь 3

Ирмос: Твоя песнословцы, Богородице, / живой и независный источниче, / лик себе совокупльшия, духовно утверди / в Божественной Твоей славе, / венцев славы сподоби.

Утверждение буди, и прибежище, и покров, Дево Богородительнице, / верую к Тебе прибегающим и Божию Тя Матерь исповедающим.

Крепость моя, и радость, и веселие, и стена твердая, / и Предстательница Ты еси, Всенепорочная, / искушений и бед избавляющи мя.

Милостивным и кротким Твоим оком, Богородительнице, / зрящи мя во обстоянии и скорби одержима, вскоре свободи: / Тя бо призываю на помощь.

Кропиши исцелений струи болящим, Дево, всюду: / Тя бо источника показа милосердия, Владычице, Иже милости Господь, / из Тебе рождётся паче ума.

Источник милости, подай скорбящим утешение, Ты еси; / темже, Владычице, и мне молитвенных Твоих вод источник источи и угаси страстей пещь.

Отчаявся помощи всякия, / к Тебе, Пренепорочная, державней Хранительнице и покрову, притекох: / не отрини убо мене от Божественного покрова Твоего.

Ин

Ирмос: Ты еси утверждение / притекающих к Тебе, Господи, / Ты еси свет омраченных, / и поет Тя дух мой.

Ты еси земнородных упование, и помощь, и радость, покров и прибежище, Владычице, Мати Живота. / Темже Тя молим: Твою помощь низпосли всем поющим Тя, Пречистая.

Иже Тобою избавльшися от бед / и Тебе ради радость получивше, Мати Безвестная, / яко Подательницу благу и Заступницу благохвальную вси прославляем.

Благословен Плод чрева Твоего, Дево Богородице, всех радости: / Радость бо всему миру родила еси и Веселие, / разгоняющее печаль греховную, Богоневесто.

Тя Хранительницу, Пресвятая, в напастех стяжах; / Тебе по Бозе мою Предстательницу имам неусыпну; / Тебе да обрящу, Пречистая, избавляющую мя в день Судá всякаго осуждения.

Возвеличи милость и заступление, Пречистая, Твоих молитв на мне / и избави мя от напастей и скорбей, / Радость миру рождшая.

Яже радости приемшая исполнение, прими от нас, раб Твоих, целовáние Архángелово: / радуйся, Радость рождшая миру; / радуйся, стáмно, из Неяже манна Небесная всем верным даровася; / радуйся, Благословенная.

Седален, глас 7:

Радуйся, Солнца облаче мысленнаго и неизреченнаго, Владычице; / радуйся, всесветлая свеще; радуйся, свещниче всезлатый; / Тобою, Пресвятая, Ева избавися от клятвы. / Но яко имущая дерзновение ко Благопременному Сыну Твоему и Богу, / мáтернею молитвою не оскудей о нас моли́тися, Пречистая.

Слава, и ныне, тойже.

Песнь 4

Ирмос: Седяй в славе на Престоле Божества, / во облаце легце / прииде Иисус Пребожественный / нетленною дланию и спасе зовущия: / слава, Христе, силе Твоей.

Надеждо ненадежных, помощнице сирых, / плачущих утешение, согрешающих очищение, /

Руководительнице заблудших, болящих Целébнице и исправление падающих,/ Владычице, спаси рабы Твоя.

Не непричастни есмы, Владычице, Твоего заступления в скóрбех;/ темже и ныне нам помози́ вскоре, люте обуреваемым, руку простираючи, Чистая:/ буди милостива болезнем нашим, Мати Божия, радость скорую подаючи.

Вся Благая и теплая Заступница сущи грешником и смиренным, Богородительнице Пречистая Владычице,/ от бед и скорбей, и грехов спасай рабы Твоя.

Преславную Твою Матерь, Христé, прими молящуюся о мире, милостивно Тебе зовущую:/ Сыне Мой, прими мольбу Мою и утиши гнев, належа́щий земли.

Кров и заступление, и прибежище буди ми, Дево, рабу Твоему,/ и избави мя от безмерных зол, воспевати Тя, Пречистая:/ слава неизреченному Рождеству Твоему.

Надежда и щит, и утверждение Ты мне еси, Благая,/ и лютых избавление, и просвещение души моей,/ и хвала, и стена, и держава.

Ин

Ирмос: Из горы приосененныя, Слове, пророк/ единыя Богородицы,/ хотяща воплотитися, Боговидно усмотри́/ и со страхом славословяше силу Твою.

От великих и различных прегрешений же и напастей всегда спасаеши мя;/ темже Тя яко рождшую Господа молю/ и к Тебе прибегаю, непобедимей по́мощи скорбящим:/ от бед изведи мольбами Твоими.

Боже мой Милосéрде, Боже Человеколюбче, Воли́телю милости,/ ныне на мя излий Твою милость:/ молит Тя надежда и Заступница моя, Мати Твоя.

Милость Твою и милосердие на рабы Твоя, Чистая, прости́,/ присно молящая Тя всякия скорби и муки избавляючи молитвами Твоими.

Раду́йся, красная палáто Слова, девственный чертоже Царя;/ раду́йся, похвало всех Безплотных;/ раду́йся, человекóв радости и по́моще и упование.

Спасение подаждь ми душевное и телесное, Пренепорочная, / и недугующему даруй цельбу́ и лютых избавление.

О содеянных моих лукавых и прегрешениях многих кто возможет умоли́ти Судию, / аще не Ты, Чистая, едина согрешающих Заступнице.

Песнь 5

Ирмос: Ужасóшася всяческая / о Божественной славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя / мир подавающая.

Ты крепость моя, Ты похвала, и радование, и Хранительница ми еси, / и заступление, и прибежище, и Предстательница непобедима, Пресвятая Богородице Дево: / темже спаси раба Твоего.

Спаси мя, Владычице, из глубины напастей, и скорбей, и печалей, и страстей телесных / и в тишине Божественней сохрани душу мою.

Молитвеннице неложная, упование христиан, Обрадованная, / прими мольбы от нас, прилежно призывающих и молящихся Тебе.

Покров мой еси Ты и присное хваление, о Владычице Богородице: / никакоже бо презираеши к Тебе прибегающих.

Дом Тя Славы, гóру Божию святую, Чистая, / Невесту, чертог, храм освящения / Сын Божий, в Тя вселившийся, и рай сладости присносущныя нам содела.

Стéну необорíму, Чистая, молитву Твою стяжавше, вопием Ти: / умилосердися, о Владычице, и видимыя и невидимыя враги проженí.

Ин

Ирмос: Мрак души моя разжени, Светодавче Христе Боже, / началорóдную тьму изгнав бездны, / и даруй ми свет повелений Твоих, Слове, / да утренюя, славлю Тя.

Добрóту Тя Иаковлю возлюби Бог, Дево Отроковице, / украшая вся Тобою, омрачившияся преступлением пёрвее.

Душу мою сохрани, яко зéницу ока, под кровом крилу́ Твоею, Благая Пречистая, / и от духóв лукавых томления и мучения избави.

Избавльшеся Тобою праматерняя печали, Богородительнице, утешения исполнени быхом, / Веселие всем рождшая и всемирную Радость: /

темже, Всепетая, Твоя песнословцы от бед Твоими молитвами соблюди.

Благодарим Тя, избавльшеся Тобою грехов многих, и немощей, и болезней, и недуг лютых, Пречистая Владычице:/ надежда бо еси твердѧ Твоим верным рабом.

С Божественным сошедшеся Гавриилом, возопиим Богородице верно:/ радуйся, Дево Святая, Благодатная, Господь с Тобою,/ Иже Тебе ради, потребив печаль, подаде миру радование.

Болящую душу мою исцели,/ рождшая всех Вземлющаго недуги, Пречистая Владычице.

Песнь 6

Ирмос: Божественное сие и всечестное/совершающе прѧзднество,/ Богомудрии, Богоматере,/ приидите, руками восплещем,/ от Нея рождшагося Бога славим.

Болящих Целительницу, падающих востание, согрешающих очищение, Богородице,/ Тебе молю, со слезами припадаю и зову Ти:/ яко сильна Сама мя спаси, погибающаго.

Ты еси стена нерушима, Ты еси покров тверд, Богородице Благая,/ Ты еси Предстательница крепка рабу Твоему:/ сего ради призываю Тя присно и притекаю к покрову Твоему.

Мирови радость сущи, Богородице Чистая, радуйся, Тебе, Дево, зовем со Ангелом верно:/ Твоя радости сподоби ны и печаль нашу разори.

Сладость Ангелов, скорбящих Радость,/ христиан Предстательница Ты еси, Дево Мати Господня:/ заступи нас и избави вечных мук.

В день печали, егда имам телесных союз разрешитися, предстани ми, Богородительнице,/ и обдержания бесовскаго исхити.

Призри, Владычице, на мя, смиреннаго, и паче надежды спаси мя:/ Ты бо еси упование и покров ми,/ жизнь и свет сердцу моему, Богородице, и утверждение.

Ин

Ирмос: Содержима мя приими, Человеколюбче, грехи многими/ и припадающа щедротам Твоим,/ яко пророка, Господи, и спаси мя.

В ноци и во дни, яве и втай под Твой

прибегаем кров, Пречистая Дево, / иже Тя верно славословящи.

В напастех Заступницу Тя ймамы тверду, / в скорбех крепкое спасение, покой в печалех, / в бедáх помощь, Приснодево.

Доброта честных святых Ангел, / радование человек всех Ты еси, Богородице Дево: / Ты мя к животу настави.

Палата Царя Славы и огнезрачный была еси Престол, Дево, / Херувим превышши и Серафим: / темже Тя всякое дыхание славит, яко Матерь Зиждителя.

Радуйся, клеще Угля Божественнаго; / радуйся, пророков печать и апостолов похвало, Пречистая Богородице, / Еяже ради от истления свободихомся, / бездну щедрот рождши, Богородице Дево, / скорбных жития душу мою спаси / и радости духовныя двери отверзи ми: / на Тя бо едину надежду возложих.

Кондак, глас 4:

Не ймамы инья помощи, / не ймамы инья надежды, / разве Тебе, Владычице. / Ты нам помози: / на Тебе надеемся и Тобою хвалимся, / Твои бо есмы раби, / да не постыдимся.

Икос:

Простри длани Твоя, имиже всех Владыку яко Младенца прияла еси за множество благодати: / не остави нас, всегда надеющихся на Тя, бодренною Твоею молитвою, / и неисчетною простынею ущедри нас, / и подаждь душам нашим милосердие Твое, во веки источающи, / Тебе бо ймамы грешнии Заступницу от находящихся на ны бед и зол. / Но яко имущи милосердия щедроты, / ускори на молитву и потщися на умоление, / предстательствующи присно, Богородице, чтущих Тя.

Песнь 7

Ирмос: **Не** послужиша твари Богомудрии / паче Создавшаго, / но огненное прещение мужески поправше, / радовахуся, поюще: / препетый отцев Господь и Бог, благословен еси.

Страстьми престаревся и неослабными напастьми, и скорбьми / и, доспев к западом жития моего, добродетелем непричастен, леностию сне-

дён быв,/ вопию Ти, Владычице:/ утешение земным, помилуй мя.

Радуйся, источниче присноживотныя воды;/ радуйся, раю пищный;/ радуйся, стено верных;/ радуйся, Неискусобрачная;/ радуйся, всемирная радости,/ Еюже нам возсия хвалимый отцев Бог и препрославлен.

Всем, сущим в мире, Заступница еси/ и стена христианом, и прибежище непостыдно, Чистая Марие./ Темже верою Тя чтуще, вопием Христу:/ отец наших Боже, благословен еси.

О благоутробия Твоего, Дево Чистая!/ Решши бо безмерныя печали и напасти, призывающим в нужде и обстоянии:/ темже и ныне помози, Благословенная, Тя восхваляющим.

Едино упование и помощь верным суци, Богородительнице,/ потщися помощи рабом Твоим, погружаемым скорбьми и в болезнех сущим,/ и прибегающим к Тебе с любовью душ.

Радование благодарственное Тебе приносим, Мати Божия,/ яко воистину Тобою избавлени всякаго злаго начинания,/ и согласно Тебе поем: благословенна еси.

Ин

Ирмос: Божия снисхождения / огонь устыдеса в Вавилоне иногда:/ сего ради отроцы в печи радованною ногою,/ яко во цветнице, ликующе, пояху:/ благословен еси, Боже отец наших.

Водворихомся в вечер в плачи печалей и чаянии злых,/ но Твоим Боголепным кровом, Дево, обожени бывше,/ обретохом радость заутра:/ Ты бо спасла еси нас.

Яко Божественное прибежище покров Твой, Владычице, вси стяжавше к Богу,/ в напастех и гонениях, и гресех к Тебе прибегаем/ и Тобою изменение приедем, Пречистая.

Грешников прибежище, низверженных исправление Ты еси, Владычице:/ сего ради притекаю к покрову Твоему,/ спаси мя, Богоневесто.

В недоумении и печали сый и в бедях, Пречистая,/ Тя призываю тепле от сердца моего:/ предвари, и избави мя, и подаждь, Чистая, мне утешение.

Благословенная Дево, Радосте скорбящих всех верных, / от всякаго искушения и печали, и злобы завидящих мне изми / и от грех и различных недуг мя избави.

Вся еси светоносна, Свет незаходимый, Дево, приемши и просвещающи, Чистая, верою Тебе вопиющия: / Благословен, Пречистая, Плод Твоего чрева.

Песнь 8

Ирмос: Строки благочестивыя в пещи / Рождество Богорóдичо спасло есть: / тогда убо образуемое, / ныне же действующее, / вселенную всю воздвизает пети Тебе / Господа пойте делá / и превозносите Его во вся веки.

Радуйся, Престоле славный Божий; / радуйся, верных стенó, Еюже сущим во тьме возсия Свет, Христос, / Тебе блажащим и вопиющим: / вся дела Господня, Господа пойте и превозносите во вся веки.

Поем Тя, Пречистая и Мати Божия, / и кто не славит Тя, воистину Благоую, сущую надежду душ наших, / темже, Пречистая, и мою мольбу приими́.

Ты еси спасение всех человек, Яже Бога рождающая неизреченно; / Ты еси верных спасительница, Богородице, и слепых наставница, и падающих исправление. / Темже Тя восхваляюще, Христу зовем: / благословите вся дела Господа, пойте и превозносите Его во вся веки.

Струи́ исцелений нам всегда, верным, Чистая, источаеши: / темже незави́стную благодать вземлюще, / воспеваем Рождество Твое, Чистая, и превозносим во вся веки.

На Тя возложих, Владычице, сердце, и душу, и тело: не íмам бо иныя надежды, разве Тебе, еюже получу милость. / Темже подаждь ми богатую Твою благодать.

На мольбу мою ныне умилосердися и радость в печали место даруй ми, / да пою Тя, Владычице, и вопию Сыну Твоему: / благословите, вся дела Господня, Господа.

Ин

Ирмос: На горе святей прославльшася / и в купинé огнем / Приснодевы Моисеови тайну явльшаго, / Господа пойте / и превозносите во вся веки.

Вся еси Чистая и Божественная славы исполнена, Ближняя Моя, / рече Дух Божий, Ты провозвещающая, Пречистая. / Юже песньми воспеваем, поюще: / тебе подобает радоватися, Бога Человека рождшей.

Ангелов похвалó и человеков спасение, / и Спорóчница буди ми, Мати Божия: / яко да обращýся и прииму разрешение прежде согрешенных в вéдении и не в ведении.

Тя по Бозе упование спасения в напастех имúще, вернии, взываем: / вся дела Господня, Господа пойте / и превозносите Его во веки.

Приими́ песнь от худых устén, Дево Всепетая, вопиющих Ти: / радуйся, болящим телесем врачевствó и отчаянным душам спасение.

В болезнех и напастех одержимыя не прézри, Благая: / но мольбу худую услышавши, свободи нас от скорбей великих, / да верно Твою милость и заступление, Чистая, воспеваем.

Стоящих утверждение еси и падших исправление, Дево: / темже мя, падшаго, возстави, / да Тя славлю, Благословенную и Обрадованную.

Песнь 9

Ирмос: **В**сяк земнородный / да възграется, Духом просвещаем, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная / Богородице, Чистая Приснодево.

Радуйся, Марие, великое всея твари чудо; / радуйся, Дщи убо Давидова, Господня же Мати; / радуйся, пение Гавриилово; / радуйся, прибежище и утверждение, и помощь всем, Пресвятая, сущим на земли грешником.

Юже избóлил еси, Владыко, прими милостивно Молитвенницу, Матерь Твою, о нас, / и Твоя благости всяческая исполнятся: / да Ты вси яко Благодетеля величаем.

О Дево Благая! О мира радости и прибежище! / О хранилище верных и избавление скорбей! / Ты предстáни ми в час смерти и избави от бесóв, ищущих поглóтити мя.

Ты еси Ангелов радость, Ты еси праведников доброта, / Ты еси верных надежда, Ты еси соблюдение наше, / Ты еси мост, к жизни нестареющей-ся преводяй верою и любовью Тя величающия.

О Мати всяческих Творца, / всесветлая печальных утѣхо, оскорбляемых Предстательнице и немощных Заступнице, / сохрани мя, Благая, от бед и прилог вражних.

Едина болящих посещение, Едина падших исправление, Владычице, / Едина к Богу Руководительнице и входе, / Едина Ходатаице вечных благ, / помилуй мя единого, паче всех согрешившаго.

Ин

Ирмос: Благословен Господь Бог Израилев, / воздвигнувший рог спасения нам / в дому Давидове, Отрока Своего: / в нихже посети нас Восток с высоты / и направил ны есть на путь мира.

Радости нам вечныя и жизни явилася еси преестѣственне, Богородительнице, Ходатаица, Чистая, / Спаса всех рождшая, от лица земнаго всяку слѣзу яве отъемшаго и всем радость подавшаго.

Радость и веселие, и радование Божественное, Дево Неискусомужная, нам умножися Божие: / се бо, плачущиися люте, радуемся молитвами Твоими.

Под Твое милосердие прибегающи верою избавляются скорбных бед жития: / темже и аз ко Твоему покрову прибегох, Богородице.

Псалмы Тя воспеваем, Благодатная, / и немолчно, еже радуйся, приносим: / Ты бо источила еси всем Радость.

Искапающая Божественную сладость, всех Сладость рождшая, / душу мою усладѣ, ядом змииным огорченную, / отчуждаючи мя горькаго вреда всегда ходатайством Твоим, / Предстательнице и радости верных, Владычице.

Благословя, благословлю Тя, Пречистая, и величаю тепле: / благослови мя убо, Твоего певца, / и всяческих нуждных и печальных избави, и сохрани Твоими дланьми непобедима.

Светилен.

Подобен: Чертог Твой:

Под кров Твой, Дево Госпоже, прибегаем / вси рóди человечести:/ просвети ны светом Рождества Твоего,/ грешныя рабы Твоя,/ молящияся прилежно и покланяющияся Тебе,/ и просящия умирения мiрови / и душам нашим велия милости.

На хвалитех стихиры на 4, глас 2:

Приидите, возрадуемся державней Заступнице рода нашего,/ Царице Богородице,/ приидите к тихому и чудному Ея Покрóву, веселящися./ Дарует бо Богородица верным обильныя дáры целебныя / от неистощимаго источника милости;/ тьмы избавляет нас искушений и бед, и обстояний,/ благочестно и Богоприятно прославляющих и чтущих Ю / яко Всеблагословенную и Пречистую Матерь Христа Бога./ Темже радостно к Ней воззовем:/ радуйся, палато Слова;/ радуйся, Невесто Невестная;/ радуйся, радости наша;/ радуйся, Мати Живота,/ благословен Плод чрева Твоего.

Радуйся, Всеблагословенная Марие, Мати Христова;/ радуйся, сущая радости всего мира;/ радуйся, Всеблагая христианом Помощнице;/ радуйся, обидимых Заступнице;/ радуйся, недугующим скорое и известное прибежище;/ радуйся, сирым и вдовицам Божественное утешение;/ радуйся, всех алчущих покрове и Питательнице;/ радуйся, всем сущим в бедáх скорое избавление;/ радуйся, Богоневесто Владычице, упование христиан.

Радуйся, всех христиан надеждо и покрóве, Богомати Всенепорочная,/ всея твари честнейшая, Небесных и земных слáвнейшая:/ всех бо родила еси Творца и Бога./ Но, о Владычице, прими милостивно моления наша / и спасай нас всегда яко Благая и Милостивая:/ да с веселием лобызаем пресвятую Твою икону / и присно, радуящися, восхваляем и величаем Тя,/ Обрадованная Радосте верных раб Твоих.

Слава, и ныне, глас 6:

Днесь собори верных, / сошедшеся, духовно да торжествуем / и Богоотроковицу Деву и Богородицу / песньми благохвальными ублажим, глаголюще: / радуйся, едина Избранная от всех родов в Матерь Превечнаго Слова; / радуйся, вместилище Невместимаго всеми; / радуйся, Ангелов и Серафимов радости; / радуйся, пророков проповедание и похвалó; / радуйся, Апостолов и святителей удобрение; / радуйся, мучеников крепосте и всех праведных славо; / радуйся, державный покрове верных; / радуйся, скорбящих Божественное утешение; / радуйся, в бедáх и напастех сущим скорое избавление; / радуйся, грешников всех прибежище и Благая Заступнице; / радуйся, Благодатная и Обрадованная, с Тобою Господь, / подай мýрови Тобою велию милость.

В
ТОЙЖЕ
ДЕНЬ



Святаго мученика Арéфы
и йже с ним 4299 святых мученик

На Господи, возвах: стихиры, глас 1.

Подобен: Всехвальнии мученицы:

Еврейскому сверéпству твое мýжество противоположил еси, / мучениче Арéфо всехвальне, / и Божественною благодатию победонóсец явился еси / и лик привёл еси мучеников, Христу во́инствующий, / от всякаго, славне, вóзраста совокупляем, / и от рóда всякаго составляем.

Арéфо всеславне, / красный лик составив священных сомучеников твоих, / с нимиже подвизался еси, добрый пóдвиг и течение совершив / твоего мýжественнейшаго страдания. / Тем Христа моли даровати душáм нáшим мир и вéлию милость.

Девы, Богомýдрья мученицы, Христовым рачéнием распаляеми, / нéмоци естественныя забывше / и, силою Божественною я́ве укрепляеми, / льщэние вра́жие попрáша, не

устрашившися мучения болезней / и пещи огненных не убоишася.

Слава, глас 4. Анатолия:

Песенно пастьореначальника днесъ, вернии, единомысленно почтим, / Арэфу славнейшаго с сущими его: / яко обличи царя пребеззаконновавша и кровь излия за Христово исповедание, / отонудуже и огненный облак поपालше на лица земли, / обличая пребеззаконных нечестие. / Тем, Христе Боже, Твоя страстотерпцы укрепив к Твоему славословию, / и нас соблюди, яко всех Владыка, / от искушений и скорбей молитвами святых Твоих.

И ныне, Богородичен или Крестобогородичен.

Подобен: Яко дбля:

Агница и Пастьря Тя на Древе яко виде, / Агница Рождшая рыдаше и матерски Ти вещаше: / Сыне возжеленне, како на Древе Крестнем повешен еси, Долготерпеливе; / како рuce и нозе Твои, Слове, / пригвоздишася от беззаконных, / и Кровь Твою излиял еси, Владыко.

На стиховне Октоиха. Слава, глас 8:

Лукавое и неверное злосоветие еврейское проразумевше, / дерзостию духа за Христа пострадади подвижастесь. / Яко бо древле в законе, Иже от Египта Спасшаго, / в пустыни прогневаша / и Того Кресту осудиша, / тако ныне и в вас делом Слово преидоша, / неверствием недоговавшие, / вас огню осудиша. / Вы же, купно мудренне, мужески терпением пострадавшие, / страшни в мученицех покажастесь. / Дерзновение имуще к Богу, / молите от прегрешений лютых избавитися душам нашим.

И ныне, Богородичен или Крестобогородичен.

Подобен: О преславнаго чудесе!

Что зримое видение, / еже Мойма очима видится, о Владыко: / Содержай всю тварь, / на Древо воздвиген быв, / и умираеши, всем дай жизнь, / Богородица, плачущи, глаголаше, / егда узре на Кресте возносима / из Нея неизреченно возсиявшаго / Бога и Человека.

Тропарь, глас 1:

Мужествовавше во Христе противу безбожнаго царя, / мученицы святии, / и того неверие иудейское во Христа обличивше, / прияша мук томление и главам усечение; / тем восхвалиша тя Ангели, / и верных роди тя прославляют, Арефо, / и пострадавших с тобою, / яко молящихся присно о душах наших.

**Слава, и ныне,
Богородичен или Крестобогородичен.**

НА УТРЕНИ

Оба канона Октоиха, и мучеников, на 4.

Егоже краегранэсие:

Мученический собор Богокрасне воспоем песньми.

Творение Феофаново. Глас 8.

Песнь 1

Ирмос: Песнь возслэм, людие, / чүдному Богу нашему, / свободившему Израїля от работы, / песнь победную поюще и вопиюще: / поїм Тебе, Единому Владыце.

Мучениче, страсготерпче Христов, Арефо всеблаженне, / молитвами твоими и сүщих с тобою мучеников ум мой просветї: / яко да воспюю вашу светонóсную и Божественную память.

Выспрь житиé я́ве на Небесéх стяжав, Богоблаженне, Христовым подобием, / себе прѣдал еси желанием мучения / беззаконным евреем, Богомудре.

Глагол преступїв Божий, / евреїн пребеззаконный и неправеднейший / Богоизбранное стадо Христово погубї: / обáче восприяше суд праведным и Божественным Прóмыслом.

Стезю шѣствовав неуклонно, к Небеси ведүщую, / Христу привѣл еси мученический собор, Арефо всехвальне, / всякаго возраста и рóда всякаго сóбранный.

Богородичен:

Пѣсньми Пресвятую, вернии, Марию похвáлим, / Богоматьерь Обрадованную, / покров Божественный, тихое пристанище, / всех верных Предстательницу.

Песнь 3

Ирмос: Небеснаго кру́га Верхотворче, Господи, / и Церкви Зиждїтелю, / Ты мене утвердї в любви Твоей, / желаний кру́ю, верных утверждение, / Едине Человеколюбче.

Утверждённу зряще Креста благодатию Твою Церковь, / еврейстии отроцы пребеззаконнии, / завистию тающе, / и ранами многообразными нещадно мучаху, / Едине Человеколюбче.

Ядомётный язык зловернии имуще и Тя хуляще, / сих прародители Избавльшаго древняго мучительства, / в Тя верующия, Спасе, заклáша.

Создавый наедине Богодейственным манием человеческая сердца, / кто Промысла Твоего глубину возможет постигнути, / яко стадо, еже, Христе, собрал еси, / волком предал еси.

Богомудрое твое стадо, / варварскими мечи ссекаемо, / усердно призываше Тя: / прими души и души наша, Спасе, / и к свету настави Царствия Твоего.

Богородичен:

Умерщвлена мя дрéвле, к жизни, Пречистая, паки возвелá еси, / едина Ипостасную Жизнь рождающая, / Ейже приразившись, растóржесе я́ве враждебнейшая смерть.

Седален, глас 8.

Подобен: Премудрости:

Креста силою вооружився и верою оградив град твой, / дэлы посрамил еси мучителево сверепство, / терпения же образ Божественнаго быв, / привел еси Христу мученики. / Тем, сошедшея, по долгу почтим, Арефо прехвальне, / всепразднственную память твою, / страстоносче всеславне, моли Христа Бога грехов оставление подати / чествующим любовью святую память твою.

Слава и ныне, Богородичен:

В напáсти многоплетённые впад от враг видимых и невидимых, / бурею одержим безчисленных согрешений моих, / и, яко к теплomu заступлению и покрову моему, Чистая, / ко пристáнищу притекаю Твоея благодати. / Темже, Пречистая, / из Тебе Воплощенному безсеменне, молися прилежно о всех рабех Твоих, / непрестанно молящихся, Богородице Пречистая, / молящи Его присно сог-

решений оставление даровати / воспевающим достойно славу Твою.

Крестобогородичен:

Агница и Пáстыря, и Избáвителя / Агница зрящи на Крестé, восклицáше, пла́чущи, / и, горько рыдáющи, вопияше: / мир úбо радуется, приéмля Тобою избавлénие, / утрóба же Моя горít, зрящи Твое распятие, еже терпíши за милосердие милости. / Долготерпелíве Господи, милости бéздно и источниче неисчерпаемýй, / умилосердися и даруй согрешений оставлénие, / верою поющим Божественныя страсти Твоя.

Песнь 4

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставь нéдра Отча / и нашу нищету посетív. / Тем с пророком Аввакумом зовú Ти: / силе Твоей слава, Человеколюбче.

Собор, укрепляем благодатию, / и лик Божественный и пресветлый, / мученически множество страждá, вóинство победоносное, / Арефу имúще чинопачальника, / да поётся любовью чéстно песнопóющими: / силе Твоей слава, Человеколюбче.

Твоим содержа́щая разумом Богомудрый град твой, пребогате, / седíною светя́щаяся честнóю, / к пребеззаконным мýжески подвизáся, / и, победу взем, песнопóет Спáсу: / силе Твоей слава, Человеколюбче.

Законом новым Животворящаго Духа огражда́ем, / закон пíсмене попира́я, / благочéстный град / преодолé душевною чистотою и нравом благородия, Христу песнопóя: / силе Твоей слава, Человеколюбче.

Воистину град Божий явился еси пречестный / и мучеников Божественное жилище, / и о тебе поются светло ныне преславная, вéлия же и дíвная, / лик бо поющих Владыце привóдиши: / силе Твоей слава, Человеколюбче.

Богородичен:

Из Давидова царскаго прозя́бши срóдства, / Всецарствующаго прежде век, / из Отца Слова неизреченно и пáче умá возсиявшаго, родилá

еси, Дево./ Тем Тя, Богородицу, Богомудренно
вернии уболажаем.

Песнь 5

Ирмос: Вскую мя отринул еси/ от лица Твоего, Свете
незаходимый,/ и покрыла мя есть чуждая тьма,
окаяннаго,/ но обрати мя и к свету заповедей Твоих/
пути моя направи, молюся.

Богозванный собор и Богоблаженный,/ подви-
жаяся, и тепле друг друга укрепляюще, и
способствующе,/ от беззаконных Христа ради
заклатися,/ благославно, добропобеднии, изболит-
ша.

Укрепльшися верою и благочестия ревностию
распалаеми,/ угодницы Твои, Христе,/ пребезза-
конных страха не убояшася,/ и, Твоею любовию
целомудренно связаны,/ сами волею предашася.

Бога Божественным Промышлением/ и неиз-
бежным Промысла судьбам всю жизнь свою
возложивше,/ собор Божественный,/ к пребезза-
конным еврейским скверноубийством
благодерзостно,/ доблии, устремшася.

На Тя надеющиеся и веровавшие ныне Воскре-
сению Твоему,/ Твои, Спасе, мученицы, не ретя-
щася, ниже вопляще,/ беззаконными за Твое
исповедание убиени быша,/ доблественнейшии.

Богородичен:

Божие Бог Слово,/ прежде век Отцу
Соприсносущный,/ благоутробия богатством во
утробу Твою вселився,/ обнища, и Человек явися
на земли, плоть быв,/ Дево Богородице Всепетая.

Песнь 6

Ирмос: Очисти мя, Спасе,/ многа бо беззакония моя,/ и
из глубины зол возведи, молюся:/ к Тебе бо возопих, и
услыши мя,/ Боже спасения моего.

Кровию Христовою знаменовавшаяся, святии,/
кроби свой усердно излиша, славнии
мученицы,/ и ныне царствовать с Ним сподоби-
шася.

Мир пророчески глаголаху языцы
немотствующии,/ проповедаху Христа младенцев
немования,/ девы Богомудрыя за благочестие
сами себе Богу принесоша.

Отделися тебе свет,/ возсияющ исцеления бо-

гáтно от Христа, / Арефо Богоглаголиве, / к Немуже изшел еси, / еще иска́пая по́ты страдания.

Множество Тебе мученическое / Божественно, Спа́се, приведе́ся: / о́крест Тебе ли́цы святых, лику́юще, / просят оставления грехов / тех присно прославляющим.

Богородичен:

Возсия́ от Сиона высочайшаго Благолепие / приятием плоти по соединению неизреченно / из Тебе, Неискусобрачная, оде́ян, / и мир просвети́.

Кондак, глас 4.

Подобен: Явился еси днесь:

Веселия ходата́й нам настá / светоносный днесь страсотерпец праздник, / егоже совершающе, славим в Вышних сущаго Господа.

Икос:

Ум мой просвети́, Христе, / зарею подвигов Арефы до́бляго / и всех святых, с ним пострадавших: / первый бо всех явился верный, / мужески ополчи́вся на отме́щущих воплощение, / Тебе, па́че естества воплощагося и рождшагося, / да нас избáвиши от лэсти / и пока́жеши небла́зненно хотящим шествовати путь свидетельства, имже страдальцы ходи́ша, / Тя пою́ще в Вышних сущаго Господа.

Песнь 7

Ирмос: Божия снизхождения / огонь устыде́ся в Вавилоне иногда, / сего ради о́троцы в пе́щи ра́дованною ного́ю, / яко во цветнице, лику́юще, по́яху: / благословен еси, Боже отец наших.

Крове́й пото́цы страдалец Твоих источают исцеления, / верою тех память похваляющим, / и Тебе, Творцу, усердно зовущим: / благословен еси, Боже отец наших.

Посрами́ша весь, победоносцы, беззаконных совет, / яко Божественным разумом и остроумием украша́еми, / и, веселящися, закала́еми по́яху: / благословен еси, Боже отец наших.

Матери щедрыя, яко уязвлени Твоею любовью, Христе, / не пощаде́ша детей, но в пе́щи попада́еми, / тебе, Владыце, взывающе по́яху: / благословен еси, Боже отец наших.

Свещи́ страдания дэвства светло взже́гше, / в

Божии черто́зе, Богоноснии, / веселя́щися с мудрыми девами, зовут: / благословен еси, Боже отец наших.

Богородичен:

Душ очищение и спасения Ходатаица еси, / верую Тя и любовь, Божию Матерь, возвеща́ющим / и Сыну Твоему согласно зовущим: / благословен еси, Боже отец наших.

Песнь 8

Ирмос: Седмерицею пещь / халд́ейский мучитель / Богочестивым не́истовно разжже́, / силою же лу́чшею спасены, сия́ ви́дев, / Творцу и Изба́вителю вопи́яше: / о́троцы, благослови́те, / священницы, воспойте, / лю́дие, превозноси́те во вся веки.

Не в законе бысть я́ве соверше́ние, но в Христе спасение даде́ся, / вопи́яху мученицы, богоубийцам глаголюще. / Тем, ра́дующися, закала́емся вси / и умираем усердно, Тому песнопой́ще: / лю́дие, превозноси́те Христа во веки.

Тайнонауча́ет младенец и учи́т безумныя к Твоему образу зрети пречистому, Христе, / и веру прия́ти пришествия Твоего на земли, / и утайвса пребеззаконных рук, в пла́мень вни́де с рождшею, по́я: / лю́дие, превозноси́те Его во веки.

На земли́ мученицы благочестно подвиза́вшися, / на Небесех от Христа венцы достойно прия́ша, / радостно отше́дше, иде́же веселя́щихся жили́ще, / верую песнопой́щих и вопи́ющих непрестанно: / лю́дие, превозноси́те Его во веки.

Победивше, святы́и, лю́таго миродержца и служа́щая того хотением, / ко Вседержителю и всех Господу со дерзнове́нием и радостию неизрече́ною преидо́сте, вопи́юще: / священницы, воспойте, лю́дие, превозноси́те Его во веки.

Богородичен:

За ны моли́ся Сыну Твоему и Господу, / чисто и истинно пою́щая Тя / и Тя, Богоматерь, исповеда́ющая, Пречистая, / грехо́в прося́щи разреше́ния, / получи́ти же спасение верно пою́щим: / священницы, благослови́те, / лю́дие, превозноси́те Его во веки.

Песнь 9

Ирмос: Устрашійся всяк слух/ неизречённа Божия снизхождения,/ яко Вышний волею сніде даже и до плоти,/ от Девическаго чрева быв Человек:/ темже Пречистую Богородицу, вёрнии величаём.

Причастницы славы Христовы, общевáвшесе смерти бьсте, святии мученицы,/ и Царствия диадёмую украсістесе свётло./ Богу же предстоите, нам просяще спасения душевнаго, достославнии.

Законнии явїстесе Христови воїни и непобедїмии мученицы,/ Арёфо всемудре и со страдавшими с тобою усердно,/ со страстотёрпицами женами, девы отроковицы,/ темже молим:/ прилежно о нас молітесе.

Управи, Сло́ве Божий, жизнь мою и окорми, Владыко,/ угодников Твоих моленьми любящих Тя,/ и сподоби тех сопричастнику быти, грехи мой презирая/ яко Благ и Человеколюбец.

Богородичен:

Селение была еси Божие, Невместимаго во чреве вмещая/ и, прежде Безплотнаго, воплощённа нам породжшая./ Егоже ныне умоли, Чистая, прегрешений оставление всем даровати,/ верою Тя присно величающим.

Светилен.

Подобен: Жены услышите:

Арёфина пророчества Бог Исполнитель бысть,/ возставив на падение нечестиваго Омрита Елезвоя мужественнаго,/ гоняща и убивающа нечестивых полки,/ Негран же возносяща и веселия исполняюща.

Слава, и ныне, Богородичен:

Сущую Богородицу Тя исповедаем, Владычице, спасшиися Тобою:/ Бога бо неизречённо родила еси,/ разрушившаго Крестом смерть,/ к Себе же привлékша мучеников множества:/ с нимиже Тя восхваляем, Дево.

На Литургии: прокимен, глас 4: Святым, иже суть на земли Его: **Стих:** Предзрех Господа предо мною выну: **Апостол ко Евреям, зачало 330.** Аллилуия, глас 4: Воззваша праведнии, и Господь услыша их. **Евангелие от Матфея, зачало 38.** **Причастен:** Радуйтесе, праведнии, о Господе:



В
ТОЙЖЕ
ДЕНЬ

Святителя Афанасия, Патриарха Царяградскаго

Тропарь, глас 1:

**Чистоты жития светом страстное терние по-
палыл еси / и течением слез бесплодную землю
напойл еси, / многоплодную ниву душевную
содéлав, / Афанасие преблаженне, / светило Ца-
рюграду, Патриархом удобрение, / моли Христа
Бога спастися душам нашим.**

Кондак, глас 2:

**В светлую священика одежду одеаяся, / мыслен-
но в Небесныя радостно достигл еси Царства /.
Тем восприяша ты селения праведных, / идеже
есть неизглаголанно веселие, / и слова, и всех
святых лица, / святителю Афанасие, / моли непре-
станно о всех нас.**



В
ТОЙЖЕ
ДЕНЬ

Преподобнаго Арёфы, в Ближних пещерах почивающаго

Тропарь, глас 2:

**Богатство твое душевное погубити хотя враг, /
помрачил ты быше богатством тленным исперва, /
но всех спасая Господь / богатство гибнущее
окрасти попусти, / душевное же невредно соб-
люд, / Небесных сокровищ наследника ты показа,
Арёфо, / тем ты чтим и ублажаем.**

Кондак, глас 2:

**Иова терпеливодушнаго ревнующа благодарё-
нию, / окрадений тленного своего имения претер-
пел еси благодарне, преподобне Арёфо, / тем с
ним обрет нетленное имяние на Небеси, / моли
Христа Бога о всех нас.**

В
ТОЙЖЕ
ДЕНЬ



Святаго блаженнаго Елезвоя, царя Ефиопскаго

Тропарь, глас 4:

Иже Божественным рачением подвигся / на
отмщение пролитыя крови праведных, / яко Да-
вид от Самуила, / ты же от Зинона предивнаго, /
пророчески яже сбьтися тебе предрекша, / еже
обещанием к нему, / и того благословением побе-
ды на враги и одоления показавшу, / отнюду же
со отложением царства / постных селений горы
жизнь соверши, Елезвое царю, / моли Небеснаго
Царя Христа / спасти души наша.

Кондак, глас 4.

Подобен: Вознесыйся:

Высоту земнаго царства, и венца венец
свѣтлости, / и багряницу отложшаго любве ради
Царя Христа, / от Негоже на Небесех славно
венчана, Елезвоя царя мудраго, / иже тленным
царством и мимоходящим, Царство Вечное
изменшаго, / в пениих песенных восхвалим, /
молитвенника о мире велика.

